

meñs, & qui nunc præest Ecclesie Dei veteribus Clementinæ ad litteram prohiberet Religiosis Sacramenta prædicta ministrare, vel modo confirmaret prædictam Clementinam expressè, non ob id diceretur abstulisse, aut reuocasse priuilegia Sixti. 4. Nicolai. 5. Leonis. 10. & Adriani. 6. quæ habent Religiosi qui in terris nouiter conuersorum habitant, ad ministranda prædicta Sacramenta. Et quod hæc sic intelligentia Clementinæ declarat in lectione eiusdem Ioannes de Imola num. 15 quando dicit, constitutionem non habere locum, ubi ex consuetudine vel priuilegio Sacramenta prædicta ministrantur. Et sic citat Paulum dicentem [vt patet] extra de foro competenti. capit. Cum contingat, de statu Monachorum, Capi. Ne in agro. Sanè idem Cardinalis Zabarella intelligit, & idem Ancharranus.

¶ Nolo hic disputare. An consuetudo quam in hac Noua gente habent Religiosi ministrandi Sacramenta, eis priuilegij suppleat vices, quàm præualere circa illos qui in Hospitalibus Religiosorum sunt, asserit Ancharranus. Neq; vim facio in hoc, q̄ omnes Neophiti qui & fidei domestici vocandi